

石田先生詩鈔五

今體

送徐武功南遷

落日西風萬里舟，布衣涼冷獨驚秋。  
樓臺細雨飛玄鳥，江漢閒雲臥白鷗。  
天上虛名知北斗，人間往事付東流。  
金滕莫道無人啓，休把羈愁賦遠游。

天順元年丁丑先生年三十一

挽草窻劉先生

蓉城人去路茫茫，空有詩名出四方。  
千首杜陵青史筆，三朝顏駟白頭郎。  
老來涕淚關時事，病裏音書隔故鄉。  
今日王孫招不返，江南春草爲誰芳。

劉溥字原博天順間卒于京師



宜晚軒為王公賦

湖山佳處小軒成薄暮偏宜物外情明月未來風滿樹夕陽猶在鳥無聲黃花共客詩中老白髮催年定裏生塵海行人不知此勞勞心跡候誰明

寄周桐邨先生

抽毫只合事黃麻閱對清江惜鬢華山縣軍書前吏迹墓堂文字老生涯荷鉏還著烏紗帽借舫嘗依白鳥家聞道閉門春寂寂臥聽風雨送鶯花周鼎字伯器嘉禾人以承差參金尚書軍討鄧茂七有功授沐陽縣典史歸游吳越間賣墓文為活史明古其門人也

周較書宗道主吾塾自吾弟以及吾兒去就十餘年

因竹請題寓情有咏

一別清風又十霜重來三徑未全荒此君已覺垂垂老稚子今看稍稍長書簡漫消新歲月漁竿不厭舊滄浪試呼濁酒歌淇澳昨夜疎簾雨正涼

寫懷寄僧

虛壁疎燈語亂蛩夜懷如水怯西風明河有影微雲外清露無聲萬木中澤國蒼茫秋水滿居民流落野煙空不知誰解拋憂患獨對青山憶贊公

和張保定留題北寺詩韵

鐘磬泠泠隔水聞當門高塔倚斜曛綠蘿深徑栖殘雨黃

葉空臺積暮雲已拂壁塵留草聖更因香炷事桐君碧山  
學士清游後應悔銀魚不蚤焚

次東原先生與其甥魏公美畫詩韵

蒼蒼筆力似荆關白髮圖書老不閒未許羊曇乞西野畫  
中分與舊溪山

白頭公圖

十日紅簾不上鈞雨聲滴碎管弦樓梨花將老春將去愁

白雙禽一夜頭

折花仕女

去年人別花正開今日花開人未回紫恨紅愁千萬種春

風吹入手中來

仕女圖

鮎薄窻虛日映樓杏花風蕩玉簾鈞手擎粧盒偷微笑紅  
蜘蛛絲在上頭

題劉完菴山水

青李來禽寫未閒又將墨法寫溪山疎雲古木蒼蒼筆猶  
出龍跳虎臥間

侍家父世父與劉完菴西菴文會

野寺清尊對鶴羣我來行酒聽論文門前歇馬依青柳池  
上開軒見白雲自喜獻之同襖事還慚阿買張吾軍醉扶

老父還家去桑柘秋陰日未曛

和吳原博對雪二十韻

成化六年庚寅先生年四十四

如何二月雪簌簌復稜稜絮起雖堪羨條封已不勝當宵  
將曉誤向煖畏陽蒸黨霰成旁集因寒質始凝未堪溫以  
王只自冷于冰增岳幾時重蔽天何日澄衣冠遭點染臺  
閣逞飛騰作亂猶安史爭先類薛滕凍凌廷尉雀勢扼郅  
都鷹去就何其骨縱橫不可繩窮侵到草木厚積及崗陵  
詐每從瑕掩機多自縛乘义乎能直刺穀也務虛稱黃竹  
歌應遠盟梅事莫憑情文非過擬時事適相仍野老占應  
浸今茲慮不登還當念貧者抑可愴凶徵陰奈非其用陽

須剝後升笑塵君得詠

歐陽公禁體詩云脫遺前言笑塵襟合開我誇能歐

公咏雪有須憐鐵甲冷徹骨四十餘萬屯邊兵晏元獻謂其合開閉戶僵眠者詩成悶轉

增

太湖竹枝歌二首

吳江長橋如長虹西來太湖橋下通我家落日水如鏡炤  
見人影在波中

蘇州南來是太湖少見楊柳多桑株誰家女子在樓上手  
揭紅簾看打魚

贈陳世則

干祿未會登薦稿養親還自讀醫書名園綠水城南路大

樹啼鴉是故居

兩湖聯句

成化庚寅

畫船載酒入空濛四面湖山水墨中

史鑑

繫纜石留秦舊

物賣花人帶宋遺風

劉珏

怕寒沙鷺低拳白受濕汀桃淺

破紅

沈周

未必清時能勝此笙歌莫放酒杯空

沈召

張伯雨墓

靈石山頭生紫烟高墳遺蛻尚依然已知鴻寶隨人秘猶

有鷺羣與世傳幢影翠搖巖畔竹佩聲寒瀉月中泉古杭

城郭東來是應識先生化鶴年

重逢謝將軍

十年歸鬢雪紛紛桑影榆陰日半曛帥府別開新院落監

門還識舊將軍行逢戰蟻臨堦看坐愛歌鶯隔樹聞耻向

太平憔悴盡英雄無地覓高勛

送晏青雲還蜀

詩草琴張共一囊輕舟八月過瞿塘功名如夢青雲遠桑

梓關心白髮長喜脫牙冠尋隱計閑書牙笏記丹方登高

王粲應憔悴始信江山非故鄉

挽蔡工部公著

鶯聲春色滿皇畿憶得高筵話久違金水載花門外過玉

駟穿柳省中歸一官未轉身將老十載相逢鬢已稀誰道

別來成永隔 薤間晞露益沾衣

松泉用周桐邨韻

屋頭落落干雲立 屋下潺潺傍石生  
世上有材終自用 山中無事不須鳴  
開門埽葉知風過 濯髮臨流見月明  
願煮茯苓三百斛 我將分取一杯清

贈顛一松外史

何處天風到羽車 相逢便作醉生涯  
碧桃流水人間夢 黃鶴孤雲海外家  
九市玉符嘗賣雨 十年仙節只餐霞  
春深未是歸時節 老畫長松一樹花

感雨

雨雨風風久未晴 不眠人起夜三更  
玉川擬問顛厓命 錦里空勞廣廈情  
社樹有靈陰火出海田 無畔晚潮平  
朝來兒女應相訝 謂底愁多太瘦生

題畫

背郭茅簷秋日晴 栗林霜後葉無聲  
山僧不管門前路 任爾行人終日行

挽王惟勤

水庄雞黍記曾游 一見清羸使我愁  
久疾望如裴俠起 近書悲向耿蘭收  
新墳未宿苔花雨 舊墨空遺柿葉秋  
幾度荻溪溪上路 孤舟斜日泪雙流

仲冬七日與陳育菴別後聞其阻雨崇福菴寄此抵  
面

苦作匆匆別舟仍淺水邊江湖虛遠夢風雨逼殘年濕竹  
蕭蕭寺寒蕪漠漠田還期一尊酒重話夜燈前

贈海上劉將軍

少年儒將有高名說劍談經四座傾久處幕賓能草檄舊  
隨童子盡知兵月連夜火沙邊埃潮挾秋笳海上城聞說  
遠人歸聖化欲銷金甲事春耕

春日送別

紅亭斜日玉罌空酒滿飛花淚滿風底事無情也離別隨

車逐馬各西東

春思二首

翠蕩珠飄各渺茫羅巾別淚濕行行雙鸞鏡破中秋月小  
鳳衾餘昨夜香蕉葉有心緘密劄蓮花無實怨空房玉關  
西去三千里可抵人生此恨長

兩月傷春懶下樓玉顏憔悴爲郎羞鴛鴦細雨丁寧恨燕  
燕東風宛轉愁擲折金梭絲不斷燒殘銀燭淚空流無情  
最是江中水一尺魚書杳未收

病起訪吳原博值傷暑不面夜歸僧寓有作用劉欽

謨韻

病起相尋力未支，角中新暴帶蛛絲。  
逢君又是秋傷暑，爲客無聊夜遣辭。  
硯沼露華燈墮影，簷牙月色樹交枝。  
情知此會應難得，別有清尊話所思。

觀辛卯浙江鄉試錄寄沈宣明德

滿院桃花九十株，爛然春色炤西湖。  
沈郎不解修花譜，徹底從頭一字無。

奉和陶菴世父留題有竹別業韻六首

成化辛卯

舊宅西來無一里，別成農屋傍長川。  
真堪習靜如方外，雖可爲家尚客邊。  
賃地旋添栽秫壟，鑿池新蓄漚麻泉。  
北窻最愛虞山色，也似香爐生紫烟。

散髮休休依灌木，洗心默默對清川。  
一春富貴山花裏，終日笙歌野鳥邊。  
聊可幽居除風雨，還勞長者訪林泉。  
留題尚在庭前竹，淡墨淋漓帶碧烟。

糲飯麤衣嘗自足，猶勝杜甫客西川。  
老妻課佛清齋裏，幼女鳴機夜火邊。  
幾樹涼雲散高葉，一溪明月瀉寒泉。  
寂寥草座無人伴，自起添香看篆烟。

人愛吾廬吾亦愛，秋原風物帶晴川。  
蘭甘幽約宜堦下，竹助清虛要水邊。  
只好蔭茅同背郭，何須蓄石慕平泉。  
苦吟自覺多新病，華髮時籠煮藥烟。

比屋千竿見高竹，當門一曲抱清川。  
鷗羣浩蕩飛江表，鼠



輩縱橫到枕邊弱有添丁堪應戶勤無阿對可知泉春來  
有喜將子耜自作朝雲與暮烟

鶴毛鹿迹長交路荇葉蘋花亦滿川炙背每臨簷日底曲  
肱時臥樹陰邊一區綠草半區豆屋上青山屋下泉如此  
風光貧亦樂不嫌幽僻少人烟

有懷劉完菴

春日微雨歇鳴鳥自為羣我有同心友抱疴逾春分仙人  
不死藥悠悠世空聞求之莫可得瀛海隔蒼雲

哭劉完菴

故人不見見新丘滿目斜陽水亂流殘紙獨餘書法在舊

囊那有使金留半生知己酬清淚一夜傷心變白頭寂寞

小山藜桂裏空憐雞犬憶仙遊

劉珏字廷美成化八年壬辰卒

挽劉芝田

老倦長遊雪滿顛澄江歸理舊芝田侯門裹足無名利野  
店扶頭有酒錢捫虱正談天下事逢蛇忽忌夢中年孤兒  
為問他時計猶指床頭押闔篇

寄吳狀元原博

原博舊有各鬚之文

文章不是各鬚時轉見鬚長文更奇省殿兩元皆自取豈  
憑春夢替劉滋

送祥公歸靈隱時劉完菴作古感慨有作

飛花送酒春三月芳草留人雨一川燭蠟未銷香炷在舊遊如夢話前年

楚江秋晚二首題陳味芝所藏燕龍圖畫卷

成化癸巳

天連湘漢水悠悠水色微茫接素秋殘月已沉三國恨亂雲初散九疑愁南方流落身將老西候蕭條客倦游欲采蘋花恨無伴美人迢遞隔滄洲

葭菼蒼蒼白露晞蕭條江色帶微暉平沙雁逐寒潮起野樹鴉隨亂葉飛漸見九溪如練淨尚憐三戶似星稀不堪昨夜南游客愁向西風憶授衣

次天全翁雪湖賞梅六首

台垣賜老荷 君王山上籃輿湖上航如此湖山晝遊地  
梅花開遍客還鄉

少在城中多在鄉尋梅猶抵候朝忙新詩似與梅相約詩到成時梅恰香

不是春愁鶴髮翁風流人物義熙中遙知觴咏清遊處小筆湖山似欠儂

重巒疊疊水灣灣雪舫尋春醉未還因省玉堂爲客夜如今不似夢中山

湖上尋詩舟去穩尊前賞雪酒行遲優游正是居東日自遣春風人不知

黃帽孤舟且莫催  
雪山留客好啣杯  
梅花况是堪題咏  
今夜春城判不回

和天全侗軒留別錢氏祖席

謝傳其如不起何  
畫船詩酒晏遊多  
人家兩岸聞簫鼓  
魚鳥中流識笑歌  
細雨沾衣縈舊纜  
春風入面醒微酡  
夕陽更好東歸路  
草樹迢迢擁漫坡

寫溪亭秋晚圖贈沈潤卿

丘亭風去復風來  
落葉無踪剩綠苔  
一日十迴猶不厭  
晚雲狼藉爲誰開

爲友人寫蕉

便欲開船去  
因君更寫蕉  
要知相憶地  
葉上雨瀟瀟

試筆

老大爲生未有涯  
浮雲流水淡於懷  
小垂舞袖人嫌拙  
寡出言辭我自佳  
月下古編開棊几  
雨中高竹映茅齋  
無心苦算閒時日  
任爾新萸綠滿階

市隱 成化甲午

莫言嘉遯獨終南  
卽此城中住亦甘  
浩蕩開門心自靜  
滑稽翫世佑仍堪  
壺公溷世無人識  
周令移文好自慚  
酷愛林泉圖上見  
生嫌官府酒邊談  
經車過馬嘗無數  
埽地焚香日載三  
市脯不教供座客  
戶傭還喜走丁男  
簷頭沐髮

風初到樓角攤書月半含蝸壁雨深留篆看燕巢春暖忌  
僮探時來卜肆聽論易偶見隣家問養蠶為報山公休薦  
達只今雙鬢已皤皤

東園

芳園好在齊封內不似生涯事灑西帶月濫泉臨晚灌向  
陽膏土及春犁魚鱗密執多佳種井字新開足小畦隣叟  
見侵頻讓畔貴遊來踏偶成蹊薤荒綠遍千鋤草封殖香  
加百簣泥嘗見蟻螬食苦李不嗔童子覓榼梨紺芽紅甲  
時時長碧肄緗枝得得齊著雨桃花衝燕落受風楊柳信  
鶯啼輸官不敢逋桑稅款客猶能薦葑齋風月獨追司馬

樂笙歌偏笑辟疆迷乞栽帖子兒親送種樹方書袖每攜  
我憶尋芳一相過衡門寂寂土墻低

七月望奉老母泛舟玩月

沙渚生涼壁月秋老親看月子操舟雖無王守觀燈樂也  
類潘郎襖祀遊風動高荷聞露注星明疎竹亂螢流酒波  
泛泛清光裏但願年年炤白頭

丘侯休致

丘霽字時雍鄱陽人成化中守郡有善政以流言罷歸

浮雲滿眼使君行山水無輝日未晴明日相思何處是甘  
棠樹下獨聞鶯

江山正有漫漫雪行客應無緩緩期越水吳山一千里輕

舟歸去似來時

從軍行 成化乙未

馬上黃沙拂面行漢家何日不勞兵匈奴久自忘甥舅僕  
射今誰托父兄雲外旌旗婆勒渡月中刁斗受降城左賢  
早待長繩縛莫遣論功白髮生

爲沈進士尚倫題畫

蓋頭漫有三間草塗足都無十畝禾未信長安春似海歸  
人不及去人多

題畫

花落水流春去草生雨喚愁來一日垂簾獨坐晚晴方爲

山開

訪明公

別師方一月再到已初冬白屋寒檠火黃昏古寺鐘風廊  
行落葉月壁映高松香炷茶杯裏更闌話尚濃

題杜東原先生畫 成化丙申

杜翁畫障依然好手拂遺塵認翠微芳草扁舟春水漫長  
松高閣亂雲飛只今韋曲無人住何日遼東有鶴歸江上  
愁心正千疊不堪題句對斜暉

題畫

看雲亦道青山動誰道雲忙山自閒堪笑山人閒不了侵

朝洗硯寫雲山

山行

雲壑風泉處處宜詩囊酒榼大家嬉  
人來人往春無主日短日長天有時  
墮哉林亭者螿競插花山轎愛蜂隨  
野僧未識登臨樂靜自關門笑客癡

與陳廷璧周宗道晚歸有竹庄漫興

酒闌槌鼓棹郎催拉柁迎潮細浪開  
竹嶼東頭諸客散柳塘南下一舟回  
微陽遠浦紅猶在斷雨迴風白又來  
童子伺門燈火候漫因清暑再傳杯

中秋客中

客裏秋光已半過月華如此思如何  
囊空不愧黃金少親老偏憂白髮多  
庭下殘蕉翻夕露城頭高樹隱明河  
故園今夜堂前酒應閣清尊待我歌

宿休休菴

成化丁酉

市中偏仄有祇林怪是沿街客易尋  
枕聒鼓聲嫌縣近門垂簾子覺堂深  
焙茶火煖香浮屋桁竹簷晴曉曬衾  
愛此老僧偏靜得塵埃堆裏絕塵心

梨花

瑩白姿容謝粉鉛不教酒洗自嬋娟  
日華暖抱溶溶雪月影涼生淡淡烟  
深鎖春愁歸院後靜思先夢凭闌邊  
那堪

掃地東風惡，抹殺清明又一年。

元旦後一日劉德儀送酒 成化戊戌

使者雙瓶至，蓬門向晚開。停肩慰泥滑，解屨省香來。染指憐佳味，挑燈引細杯。明朝攜小榼，江上候新梅。

題在野集 袁凱景文著

秋風黃葉亂，斜暉長道羸。驂尚敝衣細，瑣魚鰕隨水落低。徊鴻雁向人飛，南山莫信無耕地。東海猶聞有釣磯，獨是先生春醉醒。一簑烟雨唱歌歸。

溪上獨坐

觀生吾自得，飽飯荷農功。盤石箕雙足，清流影一翁。松喬

藤輔德楓老葉還童，好在尋詩地無人杖屨同。

答僧求畫

叅方歸去草鞋穿，老屋清齋省舊緣。千里絕雲行脚債，一單安月在家禪。蕉留庭戶因供字，笋熟園林不賣錢。何苦要儂麤水墨，此心猶落妄塵邊。

題春雲山色圖

江上春晴啼竹鳩，白雲狼籍未全收。或教山好忽然去，故要樹深終日留。其意不知何物命，老夫還悟此生浮。與君浩蕩論胸次，把筆因之作幻遊。

秋景

紛紛落葉不堪數兀兀斜陽尚可留莫怪溪翁懶回首青山正在水西頭

石田先生詩鈔六

今體

成化十五年己亥  
盡二十三年丁未

水鄉孛子十首

有序

成化己亥

水鄉孛子十章言鄙而淺其意則深矣吾鄉以水為害者接歲民多委溝壑否亦轉徙牧民者不之加恤而以戶傭井稅槩於高腴之鄉故其害益甚為孛子者固無苦為父母者固有愛今者反是因舉孛子所歷言之則孛子之父之母不言而可知已亦猶誦麟趾以識文王子孫之善也

水鄉孛子難存活半去神堂學打吹吹笛會時還打鼓學



如不會趁捷旂

水鄉孛子求魚活辛苦求來賣又強今歲水多魚却少空  
藍歸去雨床床

水鄉孛子無衣著手脚皮皴要忍寒見欠戶傭三十貫阿  
爹領去賣還官

水鄉孛子田無麥趁伴高鄉拾穗頭爛是麵條乾是餅看  
他人喫口涎流

水鄉孛子無牛放賣不勝錢未有年家裏鬪嗔悶索飯嫂  
來聒罵阿哥拳

水鄉孛子能辛苦短小伶仃氣力無五畝白田春漲裏踏

車不轉打隴胡

水鄉孛子打菽槌手拔茅針強塞饑不見阿娘教喫飯竈  
中無火已三時

水鄉孛子瘦堅堅趕使能行便顧錢饑飽趁人顛倒臥也  
無娘惜與爹憐

水鄉孛子團泥佛俗說團泥雨卽來怕見田渰糧不准阿  
公嗔打哭哀哀

水鄉孛子最堪嗟自小離鄉不戀家終日趁娘求活去傍  
人門戶唱蠶花

晚坐

春殘尚絮袍林屋氣蕭騷白日苦不夜人生亦太勞泥花  
方失勢雨笋漫爭高小酌仍觀物新醅愜老饕

谿亭小景

幽亭臨水稱冥棲蓼渚莎坪只尺迷山雨乍來茆溜細谿  
雲欲墮竹梢低簷頭故壘雌雄燕籬脚秋蟲子母雞此段  
風光小韋杜可能無我一青藜

九月十一日過光福夜訪徐雪屋

西風西郭路秋色入蒼顏接屋千村樹行舟兩岸山水光  
明月下人影翠微間指點讀書地關門知夜闌

送允暉

陸郎幾宿春山去山鳥山花盡有情白李紅桃塞行路黃  
鸝留客兩三聲

題郭忠恕畫李西臺嘗錄其汗簡集以獻皆科斗文  
字

蒼壁長松有仙骨斯人好在白雲鄉西臺汗簡今零落科  
斗春深水滿塘

問沈東林病

問藥前朝有使過枕書知道臥雲蘿未應太瘦因詩苦自  
是衰遲覺病多蟾子晚風懸竹戶魚苗新水漫菱河木烟  
細細匡床靜遙想支頤兩鬢皤

聞清癡馬秋官課農山庄

秋官臺笠事東菑雖愛清幽也似癡分肉戲專隣叟社訟  
田閔剖野人詞竹枝雨暗蠨蛸戶豆葉風涼絡緯離知遣  
床頭三百甕醉中都賦勸農詩

過席心齋道士墓

丘墟寂寂臨川上桑海茫茫感蛻餘舊用棗盤靈霹靂新  
來劍地入耰鋤羽人欲化楓株老仙鶴無言石表虛我願  
追求金薤藁碧苔狼藉漫虫書

十二日還自光福道中卽事

兩竿西下日吾棹正東歸溪老過橋去野禽穿樹飛水將

人眼淨葉與鬣毛稀納納乾坤內秋風自布衣

和劉士亨見寄韻

白髮才情軼孟郊醉吟何處定推敲雲開三竺芙蓉障雨  
壓雙湖翡翠巢老眼詫書縈似蚓深杯叨酒釀如膠風流  
憶共朱家宴小杏新烟竹裏庖

立春後一日試筆

雪屋蕭然折竹間畏風門戶鎮須關鄉推老大悲年逝人  
銷迂疎喜事閤土銚撥灰燒凍芋雲簷補屨織新菅深居  
終日無聊賴或爲兒嬉一解顏

除夜

五十三迴送歲除世情初熟鬢應疎事能容忍終無悔心  
絕安排便自如立券每賒扶病藥作緘因借養生書親羹  
坐雪肥鮮少索畫人來喜饋魚

題畫

成化庚子

風和楊柳初偷眼兩怯桃花未放心且載一壺江上酌綠  
波春酒共沉沉

題謝葵丘畫

此圖作於宣德二年二月三日周尚未生於其  
年十一月二十一日距作圖時尚十越月周今年  
五十有四髮已種種葵丘既化去先公亦違養十

八年撫圖之際感念今昔不知雪涕之沾襟也因  
詩以識之成化庚子花朝日沈周校泪書

先公舊得葵丘筆淡墨真成北苑風未歲春時圖既作丁  
年冬仲我初降後生已見衰毛白往事空驚轉燭紅今對  
青山吊雙鶴秋風吹淚到遼東

春景

氣暖山晴雲亂生桃花櫻柳鬪春明田翁偶語還相笑野  
雉驚飛入竹鳴

題畫

詩思凝懷未易裁平臺一半夕陽開桃花小間松枝發碧

表石齋石田詩金  
嶂中分綠水來

春日墨興齋卽景

蛺蝶飛來忘却還  
隨他春鬧我嘗閒  
瓦杯閣酒恰微醉  
細雨濕花雲過山

惠山謁文襄公祠

工部昔年遺惠在  
祠堂仍在惠泉頭  
吳民今日無襦袴  
每過門前卽淚流

過聽松隣房

石子墻低細路平  
未敲門戶有僧迎  
松風最不私人聽  
行過西家共此聲

華孝子祠下一首

孝子祠前春日低  
西簷素壁我留題  
入雲古木無人伐  
千箇乳烏來上啼

賞牡丹席上作折枝

爛熳初看蜀錦堆  
却疑春色隔墻來  
酒逢知己何辭醉  
花笑貧家不稱開  
紅亞暖風憐弱當  
粉含清露濕重臺  
明朝只恐都零落  
爲轉長生託紙胎

七月十五日城中晚歸

晚郭歸舟急若何  
市塵猶恐累漁簑  
到家覺得會風雨  
兩樹芭蕉破葉多

十月二十八日早自城回

短日促解纜起程霜鬢蓬岸姿微雨潤人影淡波通一鳥  
沒虛碧數楓留晚紅指家渾不遠邨過更橋東

落葉

紛紛自一一片片及蒼苔落後樹還有掃空風復來累聲  
行藥逕減相煮茶灰笑我臨梳髮飄零老共催

雪後

雪後溪橋試一行隔溪折竹尚聞聲曉寒薄骨非輕出不  
爲梅花不動情

題蕉

慣見閉庭碧玉叢春風吹過卽秋風老夫都把榮枯事却  
寄蕭蕭數葉中

暮春送客

成化辛丑

舊迹新痕酒滿衣東風紫棟又花飛金閨亭上偏無賴春  
與行人并日歸

早起

窻戶微明曙色催早涼門外有輕雷衝風巨浪兼江動變  
雨浮雲接地來趁市魚鰕爭要去喧時雞鴨也須開鬢絲  
襟抱殊清爽倚樹高吟且一迴

題畫寄北海先生

獨憐湖海交知冷幸有文章健美間  
翫髒功名何物忌畸零天地一夫閒  
人遙尚想梁間月地隔聊移紙上山  
欲問相逢老無日白雲黃鶴渺江關

題僧壁二首

塵喧俗鬧漫悠悠把舌深藏便罷休  
人以是非來問我一場鶻突但搔頭  
把舌深藏萬事休放開白眼看雲浮  
是非當面從人問斷不搖頭與點頭

尋野翁庄

野翁未見見新庄石子為堦引石梁  
高樹隔牆烟寺近亂

雲拖雨晚山長遣春喚酒供遊事  
排日勾詩入醉鄉絕與朝川標致似  
我為裴迪亦何妨

贈黃攜之

相逢野寺及春殘各各蒼顏說見難  
歲月易流嗟物變功名已過覺心寬  
梨花月枕詩通夢楊柳風杯酒起瀾  
想得金陵山水地自知行樂勝為官

立夏過都氏

成化壬寅

湖上東風生水雲湖西一舸正尋君  
青春已約明年見朱夏正從今日分  
新酒故人聊作伴遊絲落絮苦成羣  
大家醉倒拚扶去萬事關門不欲聞

七月廿六日客有談命及遺贈者至都不能與作緣  
客去因寫散木圖系詩贈之

莫道今吾非故吾但饒白髮眼模糊乾坤未信無容地詩  
酒猶堪養腐儒薦剡不會干狗監米船那肯屑胡奴從來  
豈受人拘束寄興聊爲散木圖

題畫

霜葉流紅磴道分化羊白石亂成羣金膏水碧無人採埋  
沒青山在白雲

桃源圖

啼饑兒女正連邨況有催租吏打門一夜老夫眠不得起

來尋紙畫桃源

東邨小隱爲沈廷佐作

野老於今席不爭林居草處任浮生失時笑見山花落得  
意閒聽春鳥鳴已藉酒遺身外事尚嫌詩掛世間名有時  
深雪門還掩折竹蕭蕭自由肱

悼清公

三年不到此一到失清公影相丹崖月袈裟碧樹風人皆  
夢幻耳世在去來中短咏酬長別芭蕉古院東

雨中自遣

生涯牢落鬢蒼浪薄薄湖田歲歲荒未慣向人成俛仰自



須隨事作行藏  
遙天積雨雙漚白  
細雨重林一鳥黃  
心靜日長無所作  
瓦爐添火謾焚香

挽劉大參欽謨

晚擬紬文到石渠  
可堪病革兩喪餘  
豈因封禪曾留稿  
不爲窮愁始著書  
門客淒涼感桃李  
故人憔悴惜楸櫨  
泌陽寄語真成夢  
讀向秋風淚泫如

過都廷襄新居

春曉春郊作伴行  
新居新酒故人迎  
弱雲妬日雨作意  
細柳偃墻風與情  
田畷分岐來宅遠  
漁濂合水逼廚清  
閉門教子無他事  
市不聞喧書有聲

程揮使翺殺賊海上疽背而卒

罵座贇夫時所忌  
嚇蠻儒將死還誇  
奔鯨止待殲三箭  
怪鵬俄聞入五牙  
五牙楊素戰艦名  
櫺上鳴駟悲故菽  
門前去客逐飛花  
英魂尚附床頭劍  
貫斗虹光直不斜

和劉後村先生卽事韻一首

門前細路抱溪灣  
一箇茅廬四浸間  
歛極租庸償白水  
憂來夢寐買青山  
腹憑蠶蠶撐成飽  
身謝荷衣裹就閒  
似此亦應吾事足  
陶翁何羨鳥知還

自廣二首

無所容心壽亦長  
門前萬事付茫茫  
漢翁到老何辭拙  
華

子于今且信忘掃地焚香秋月淨科頭箕踞午風涼小兒  
候我曹騰地說引清吟可半觴

囊中摸索又無錢醒眼痴翁作醉眠百歲有誰酬大齊五  
旬便合作稀年容他事擾心先俗圖一分閒意已仙自愛  
茅簷冬日裡白頭如雪炤殘編

和友人冬日自遣韻

閒居冬日亦爲長病眼看書但渺茫凍點茆柴朝榼酒紙  
棲沉水夜幃香干時盡笑吹竽拙傲世猶嫌荷篠狂非是  
是非無定口老夫須信自行藏

除夜作雪和劉後村韻

雪屋寒深閉草簾蕭蕭鳴玉迸風簷花留紅燭陪年謝迹  
浣青袍惡酒粘曆甲漸多愁母老籍丁全少望孫添明朝  
又辦農桑計打瓦還須作歲占

除夜讀史有感

歲華冉冉從今去獨守寒更燭影微風雨欲來愁破屋貂  
狐何在念重衣求仙漢室曾無有指鹿秦廷果是非萬事  
悠悠寸心劇掩書聊用一獻欬

八月一日病中卽事

成化癸卯

旬時惟有藥追陪斷不思拈舊酒杯慮靜爐香宜夜坐眼  
酸書卷怯朝開江蘋白應松鱸出庭草紅催朔雁來老去

耕不獲不日言金  
十一  
苦驚時節換壯心那復傲寒灰

病骨撐衾太瘦生秋懷兼暑未能清酣人萬夢同迷著喚  
日一雞勞獨鳴薄霧鬪來成就雨浮雲終不主張晴傳看  
司馬匡時疏頓起藜床手足輕

觀西湖百咏集感舊有作

白髮攤書似夢驚某丘某水認題名袖中東海言非大紙  
上西湖眼更明少覺舊游渾記得老關佳處尚思行青鞋  
布襪猶鮮健祇待花時計便成

戴工書去官

惟食浮人我預嗟辱來榮去轉如車馬卿已爲門墻謬楊

楊畏還知論薦差蟻穴長隄幾誤國牛襟初服幸還家文  
夫出處要無愧何至低頭向菊花

戴縉廣東南海人爲御史當外遷上疏薦汪直復立西  
廠內批累遷至右都御史出爲南工書五月而直敗革  
職爲民

九日無菊

兒子欣將宿醞芻老人佳節強相酬苦無新菊安排醉漫  
有清詩剪刻秋扶病正須家裏杖登高聊試水邊樓目光  
所在非金馬牛背中間一白頭

題畫

臨溪衰髮炤山翁髮自蒼蒼面自紅浩蕩酒懷消遣得一

亭殘炤八窓風

十月二十日臥病中黃應龍茅彬之自崑山冒雨夜  
汎重湖而至應龍有詩因韻而荅

枕屏乾鵲送清晨報道君來恐未真可是病懷聞兩處應  
爲深夜過湖人高風儘掃山陰雪雅咏都空下里塵便與  
澤居成故事百年還自一時新

季冬廿四夜泊黃溪與張子靜話舊

吳江南下黃溪路歲晏逢君溪水頭雙鬢都生五年雪兩  
人相對一孤舟關前晚纜翻鴉樹夜半寒燈落鴈洲未識  
新春此杯酒更于何地得同游

至日閒居自述 成化甲辰

冬至之日無酒錢醒笑先生高閣眠聊憑線記短長日何  
貴蟲知大小年白石田間虛種玉紫泥籍上欠修仙閒窻  
但有閒時月學把行藏逐歲編

四日遊虞山盡梁檜而回 成化甲辰

昭明臺下芒鞋緊虞仲祠前石路迴老去登臨誇健在舊  
遊山水喜重來兩乾草愛相將發春淺梅嫌瑟縮開掣取  
梁朝三檜去筆頭疑道有風雷

寄題至道觀靈蹟二首

藏丹地底發金輝半夜通明識者稀坐子老師還急起畫

耕石齋不日詩金  
符封井鶴先飛

檜蛟欲走夜壇雷飛石驚門不敢開明日道人成一笑綠  
陰仍鎖舊樓臺

和劉邦彥宿飛來峯韻

入林堯子度斜暉面酒風清色漸微白髮自憐今日變青  
山誰見昔時飛逢僧古寺春將暮怪客頻年迹到稀千箇  
長松臥房近對燈還候鶴羣歸

立夏日山中遍遊後夜宿劉邦彥竹東別墅

乍認東庄路不真有橋通市却無鄰山窮借看堂中畫花  
盡來尋竹主人爛熳箋麻發新興留連櫻筍送殘春與君

再見當經歲分付清觴緩緩巡

劉邦彥名士英杭州人

林堂雜詠

再拜逢迎覺不便遲遲筋力且衰年林堂看雨開春酌午  
枕便風奪夜眠收蜜買茶供歲計曬書烘畫合閒緣交遊  
往往通朝報榮辱升沈一惘然

溪上

春日熙熙百鳥鳴東溪試步覺芒輕閒來閒往曾無爲時  
笑時歌自有情止水觸風微起縠過雲生雨略攬晴鄰翁  
偶揖還相訊道是先生底獨行

秋涼遣病

淦淦新涼兩月秋病多猶自不梳頭  
饒奴客燕虛支酒嬾子書繁假惜油  
蟋蟀庭除朝露在蠨蛸窻戶晚煙收  
近時江海欣平盜斗下芒星又可憂

丹陽道中 成化乙巳

拌擻山邊水際身廿年重踏舊京塵  
依依殘夢丹陽月兀兀輕車白髮人  
諒自去來無箇事趁他花柳未分春  
關津莫作誰何問詩酒承平一老民

約史明古不至

仙舟望不到玄都近信虛傳過太湖  
如此江山空舊約可勝風雨有長途  
燈前白髮棊聲在地上碧桃花事無春已

闌珊人尚遠幽禽何苦喚提壺

吳元玉邀賞牡丹迨夜

百朵香雲怕急飛未曾來賞判遲  
歸臨軒要約從先定折簡頻煩恐後違  
藥玉酒船羣客送黃金筵直主人揮  
添燈不道成深夜起看紅粧覺露微

別金陵

花事匆匆瞥眼過故園不去欲如何  
五侯賓客鯖全少百姓人家燕已多  
蔣廟亂山雲菴樹秦淮落日水增波  
有詩對酒雖堪賴終欠玲瓏爲我歌

神樂觀留別祖席諸君

兩歇南郊風物新神仙宮觀擁金銀青山一杖付歸客玉  
洞千花留故人犀首不勝無度酒滄浪應待遠遊塵扁舟  
東去須乘急還剩家園數日春

題畫

水與縈迴山與遮屋東開逕入林斜風泉窈窕通虛谷雲  
水深沉帶別家候客來臨門外屨呼兒先掃夜來花何當  
我卜東西住不合尊壘便鬪茶

題畫與趙中美

兩人再見闔閭城城外青山笑送迎儘有江湖添話柄何  
如詩酒寫平生觸簷風幙花梢亂倒影池亭竹氣清良會

從今莫輕別催年白髮苦無情

荷花燕詩

花供娟娟侑玉卮紅粧文字兩相宜分香客座須風細傾  
蓋林亭要日遲仙子新開壺裡宅佳人舊雪手中絲便應  
此會同桃李酒政頻教罰後詩

挽僧月舟

踏翻舟子是歸時風月于今却屬誰絕食證成無漏果養  
親賣盡有錢詩壞袍零落悲蕉葉吟骨蕭疎寄竹枝一片  
雨花煙草地石幢高表路人思

次韻徵書記所寄

東軒書記我同鄉遺我親尋背郭堂落手詩驚碧雲句隔  
囊茶透紫茸香受風榆柳猶淹暑得雨蕉梧儘借涼紀會  
小圖堪晚興筆踪狼籍眼蒼茫

秋夜獨坐

萬事縈思獨坐中爐香深處性靈空藥如救世黃金賤年  
莫瞞人白髮公疎竹畫窻因借月墮樵驚屋偶乘風且來  
拂簟尋高臥夢境浮生一笑同

睡起自遣

簷前落葉擁高秋謬使人推隱者流背有微暄念天子手  
無漫刺瀆諸侯老知絲竹殊堪賴遠爲兒孫未免憂身後

算應憂未了且來拂壁畫丹丘

病中夜懷

病與憂相併如何老不成少年猶昨日往事訝前生月共  
軒窻淨秋將枕席清瘦何消覽鏡洗面手還驚

送門神

抱關憔悴兩疲兵衆欲麾之我漫榮簡爾功名惟故紙傍  
誰門戶有長情戟悲雨迹銷殘畫整賴蟲絲戀絕纓莫向  
新郎訴恩怨明年今夜自分明

于山書屋詩并圖爲趙武選明作蓋其山有寺而趙  
嘗讀書於此者也



讀易僧居已十霜別來天上作星郎青蓮詩遶匡山處白石書存李氏房雲履遠情高塔晚雨窻幽夢短檠涼老夫困頓衡門下閒爲他人寫故鄉

穀旦喜朱性甫至

成化丙午

城裏高官儘有衙迂舟却到野人家偶談山水悲筋力因怪兒童忽歲華白髮知春不如草青燈隨眼漫生花遣懷慰客非無酒壘恥還當一載賒

分得藥臼謝鑿

山人治藥砍雲根枵腹中容海月吞搗過砂床剩朱糝煉餘石髓膩青痕無銘錯認周王鼓有竅真移玉女盆抱疾

人來識清杵數聲遙在杏花邨

憨憨

憨憨無役老人懷春日烘門晏始開遊行太平初試杖安排樂事數拈盃世情花黨富家發公道燕均貧戶來識字不多強不識小篇聊與物追陪

悼內

生離死別兩無憑淚怕傷心只自凝已信在家渾似客更饒除髮便爲僧身邊老伴悲寒影脚後衰年怯夜冰果是幽冥可超拔賣文還點藥師燈

贈西山老僧

老抱清齋太瘦生  
雪眉霜鬢使人驚  
遊僧久住同衣食  
畜鶴長隨識性情  
土銜逼床身煖活  
紙窓烘日眼晶明  
此心應與山俱靜  
不是深山養不成

做雲林

知迂的是荆關手  
聊復從迂寫素秋  
莫道西山無爽氣  
我於東野合低頭  
林墟墜葉吹高帽  
沙水飛漚掠遠舟  
一箇小亭消遣得  
儘將吾道付滄洲

題牡丹

名牌新樣紫牙刊  
露重煙深正好看  
却怪錦雲低亞樹  
帶風扶上玉闌干

冬日過田家

門枕碧流盡垂楊  
列岸齊樹中茆映  
屋垣外菜分畦噪  
雀叢晴薄行人影  
潦谿犬聲吹暗竇  
牛跡菊陰蹊磬折  
權迎客盤殮趣饌  
雞溫言謝鄭重勤  
意效扶攜設座蒲  
重薦防颺壁旋泥  
奔奔役鄰舍拜拜  
教孫兒滯飲容盃  
緩延留怕日低性  
情兼禮數真至見  
天倪

逸菴

逸迹離城市分居  
鴈鷺沙屋中人懶  
散門外樹橫斜名  
漏山公啓鄉當虞  
仲家梳頭下白雪  
把釣著烏紗風信  
北窻取月從東海  
賒交僧會櫻笋課  
子托桑麻醉坐自  
橫管春

遊或命車鷓鴣安野竹蛺蝶選林花觀我還觀物其生豈有涯

六旬自咏

自是田間快活民太平生長六經旬不憂天下無今日但願朝廷用好人有萬卷書貧富貴仗三盃酒老精神山花笑我頭俱白頭白簪花也當春

成化二十二年丙午先生年六十

客去自遣二首

故屋蕭蕭溪水傍朋從沓沓日生忙抽書聊自一遮眼罵座從渠大哄堂新月微陽相假借斷雲疎雨更商量都來自笑成何益萬事無如一靜強

尋嘗盃酒見誼誨不是爭豪便閉奢客氣欲鑿書當藥世情難熟飯蒸沙幽禽信我巢低樹狂蝶憐春抱落花逕自關門何理會口吹松火漫煎茶

送方水雲

一箇仙舟竹葉風不知南北與西東世人若欲追行跡或在長安酒市中

妙明性公雨中見過

成化丁未

珠林記我游春霧竹嶼勞師報兩舟來往兩番何足計追尋三過未應休楊花雪濕初沾地燕子寒多倦出樓老去心思清淨業茶盃香炷與僧投

灤西草堂為蘇文輝畫并題

堂在灤西黃草茨吳鄉莫把蜀鄉疑地從杜甫名全借圖  
為盧鴻我不辭衣桁夕陽迷翡翠竹坪春水下鷓鴣百壺  
自醉蘇司業未解求人為酒資

挽簡書記 虎丘

詩折病中身苦吟終損神青山見在世白髮過頭人花落  
三泉雨雲荒萬頃春惟餘石上竹消瘦似清真

聞王優彈唱

班裏當歌讓早名臨觴一曲使人驚板迴促拍翻新調絲  
引餘腔轉慢聲萱草泥融蚯蚓細桃花風悄栗留生白頭

重洗青春耳不向何戡數渭城

九月十二日聞 詔

樂育安生今二紀號弓莫盡白頭悲 帝鄉雲氣神仙遠  
地道春恩草木知裳繡不曾通藻迹野飧空自動芹私江  
山無改千秋物明命惟新又一時 成化二十三年丁未  
憲宗升遐先生年六十

病中寄挽周桐邨先生

藥物兼旬兀病身輓輻獨後北印塵江湖隔眼燈前淚生  
死通心夢裡人古誼高懷留健羨道文細字憶精神他時  
容展孤墳拜風雨桐邨宿草春

挽張東海

只合留君白玉堂天教醉墨賁南荒  
衰毛送老歸來短遺草隨年化後長  
幾欲扁舟訴離別竟成清淚作存亡  
因尋舊寄聞鵲帖人物傷心墮渺茫

睡起自遣

書枕悠悠自小康何須斷送脚塵忙  
屏心雲氣山開畫樹裏簷聲雨滿堂  
名利可憐鷄有助神仙祗累鼠拖腸  
時時具酒招隣曲閒與桑麻較短長

漁村

吳江本澤國漁戶小成村楓葉點秋屋  
蘆花白夜門都無

三姓住漫可十家存熟酒呼兒女分魚  
喧弟昆不憂風雨橫惟憚水衡煩鷗趁  
撐舟尾蟹行穿壁根怡然樂生聚業外  
復何言

耕隱

百畝良田湖水陰門前楊柳路沉沉  
烏犍角短農書墮蒼褐衣香社酒淋  
衆草未長春雨少穉秧初秀野煙深  
東鄰西舍皆同事駟馬高車不共心

病中夜雨起坐

藥盃香炷與溫存養病工夫要閉門  
布被擁寒書作枕紙窻催曙水臨軒  
楓生赭色知霜辱蕉負爭心共雨喧  
物性

人情靜觀得得來還欲費吾言

挽沈東林

烏紗天與老爲容白髮知因病未籠西序有攢俄殞兩東  
林無樹不悲風酒邊偃僂思遺像詩裏推敲失此翁獨剩  
吾家舊題竹一般瀟灑月明中